



Norgga girku Sámi girkolaš válgačoahkkin - gulaskuddančálus

Álgghaus

Norgga girku višuvdna sámi girkoeallimii lea: *Ealli ja ovttadássásaš – Norgga girku sámi girkoeallin.*

Ealli ja ovttadássásaš sámi girkoeallin lea sápmelaččaid ja sámi álbuma oassálastin girkui. Dan dihtii lea deatalaš ahte sápmelaččat ožzot vejolašvođa oassálastit girkui min iežamet kultuvrra ja iešvođa vuođul ja ahte mii oažžut saji hábmet iežamet girkoeallima Norgga girku siskkobealde. Mihttomearri lea ahte sámi girkoeallin šaddá diehttelas oassi Norgga girku oktasaš identitehtii.

Sámi girkoeallima strategalaš plána čuovvuleapmin lea Girkoráđđi (GR 49/13) Sámi girkoráđi (SGR 16/13) ávžžuhusa mielde dáhhton girkoráđđedirekterva ovttasbarggus Sámi girkoráđđiin guorahallat dárbbu ásahit sámi girkolaš válgačoahkkima mii lágiduvvo juohke 4. lagi. Guorahallan galgá váldit vuhtii Sámi girkoeallima strategalaš plána háliidusaid das makkár doaibma dakkár čoahkkimis sáhttá leat, earret eará báikin gos sáhttá ságastallat áigeguovdilis girkolaš áššiid sámi servodagas, teologalaš gažaldagaid sámi oktavuođas ja gealboloktema. Lea lunddolaš ahte čoahkkimis maiddáí lea čoagganeapmi lpmila sáni birra.

Gulaskuddančálus lea dán láhkái juhkkojuvvon:

[_Toc466898982](#)

Definišuvnnat

Prinsihpalaš vuodđu ásahit Sámi girkolaš válgačoahkkima Norgga girku

Makkár válggain galgá Sámi girkolaš válgačoahkkimis leat oassin, ja mo?

Sámi ovddasteddjiid válljen bismagotteráđđiide ja Girkochaoahkkimii

Sámi girkoráđi válljen

Eará doaimmat válgačoahkkimis

Válgačoahkkima čoahkkádus ja áirasiid nammadanortnet

Girkolaš ovttadagaid ja sámi guovlluid lotnolasvuhta

Giellaguovlluid juohku

Nominašuvdnaproseassat – sámi áirasiid válljen

Nominašuvdnaproseassa bismagotteráđđevalggaide

Sámi girkoráđi válggaid nominašuvdnaproseassa

Sámi girkolaš válgačoahkkima nominašuvdnalávdegoddi

Ekonomalaš ja hálldahušlaš váikkahušsat

Gulaskuddangažaldagat

Definišuvnnat

Sámi ássanguovlu: Definerejuvvo dán čállosis dán láhkái: Olles Davvi-Hålogalándda, Lulli-Hålogalándda, Nidarosa bismagottit, ja Davvi-Østerdal proavásgoddi Hamara bismagottis ja Siskkit Nordmøre proavásgoddi Møre bismagottis.¹

Giellaguovlu: Giellageografalaš doaba mii čilge guovllu mas giella lea. Sámi giellaguovlluin eai leat čielga ráját. Sámi girkoeallima strategalaš pláanas lea dákkár giellaguovojuohku: Davvisámegiella – Bállagis Nordlánddas Girkonjárgii Finnmarkkus. Juvelsámegiella - Davvi-Sálta, Hápmir ja Divttasvuotna. Lullisámegiella – Sáltoduoddaris Nordlánddas Engerdalii Hedmarkkus.

Bihtánsámi giellaguovlu lea Sáltovuonas Ranvutnii Nordlánddas.

Nuortasámi giellaguovlu lea Mátta-Várjjagis.

Prinsihpalaš vuodđu ásahit Sámi girkolaš válgačoahkkima Norgga girkui

Vuođđolága § 108a cealká ahte «*Det påligger statens myndigheter å legge forholdene til rette for at den samiske folkegruppe kan sikre og utvikle sitt språk, sin kultur og sitt samfunnsliv.*»

Vuođđoláhkamearrádus čujuha riikkaidgaskasaš álbmotriektái mii addá álgoálbmogiidda sierra kultur- ja unnitlogusuodjalusa masa gullá oktasaš vuogatvuohta mielmearrideapmái ja iešmearrideapmái áššiin mat gusket sidjiide alcceaset. Dát lea vuodđuduvvon ee. Siviilla ja politikhalaš vuogatvuodaid konvenšuvdnii (SP) art. 27, ILO-konvenšuvdnii 169 og ONA álgoálbmotdeklarašuvdnii (UNDRIP). SP lea oassin norgalaš lágain olmmošvuogatvuodalága olis. Norgga stáhta lea vuolláicállán ILO-konvenuvnna nr. 169 ja lea maiddái vuolláicállán UNDRIP.

Go girkoeallima ferte atnit deatalaš oassin sápmelaččaid «*gielas, kultuvras ja servodateallimis*» (vd. VL § 108), lea govtolaš ahte girkolága § 24 mii cealká ahte «*Girkočoahkkin galgá várjalit ja ovddidit sámi girkoeallima*» (GL § 24) ii dušše árvvoštallojuvvo sierra girkolaš sivaiguin, muhto maiddái Vuodđolága § 108. Namahuvvon prinsihpat álgoálbmogiid mielmearridan- ja iešmearridanvuogatvuodaide berrejit dasto adnot deatalaš prinsihpalaš vuodđun ásahit sámi válgačoahkkima Norgga girkui.

Mielmearrideapmi guoskkahe vejolašvuodđaid searvat ja váikkuhit mearrádusaide. Sámi mielmearrideapmi girkodemokratijas válđojuvvo dál vuhtii das ahte golmma davimus bismagottis lea sierra sámi ovddastus, ja dan bokte maiddái sámi ovddastus Girkočoahkkimis, ja go Sámi girkoráđđi lea mielde ráhkkanahttimin áššiid Girkočoahkkimii. Sámi girkoráđi jodiheaddji lea maiddái ollislaš miellahttu Girkočoahkkimis ja sus lea oassálastinvuogatvuohta Girkoráđis.

Iešmearrideapmi eaktuda ahte leat sierra demokráhtalaš vuogádagat main sápmelaččat ieža ožžot ovddasvástádusa ja vejolašvuoda hábmet iežaset girkoeallima (gč. GČ 15/90). Dát čilge omd. Sámi girkoráđi ja Saemien Åålmegeeraerie ásaheami.

Iešmearrideami ja mielmearrideami prinsihpat eai doaimma dušše ággan sierra sámi ovddasteapmái ja sierra sámi ásahusaide girkodemokratijii. Seammá prinsihpat berrejit maiddái biddjot vuodđun daid válgaortnegiid hábmemii mat dolvot dakkár ovddastedđiid ja ásahusaid válljemiidda. Deatalaš

¹ Sámedikki válgbiret leat dán definišuvnna vuodđun.

ágga ásahit sámi válgačoahkkima Norgga girkui lea nannet sápmelaččaid demokráhtalaš iešmearrideami sámi áirasiid válljemis guovddáš girkolaš ásahusaide.

Sámi girkoeallima strategalaš plána lea sierra kapihtalis sámi girkodemokratijai hárrái (kap. 5.17) ovddidan prinsihpalaš jurddašeami mo nannet sámi beali girkodemokratijas, mas dása lea sierra unnitlogopolitikhalaš vuodoštus. Strategalaš plána eaktuduvvojtit njeallje ášši sámi oasi nannemis girkodemokratijas: (1) demokráhtalaš kultuvra, (2) báhppasuohkan vuodđudeaddji organisašuvnna ovttadat, (3) ovtaidlachtuid sajádat ja (4) sámi álbmoga vuogatvuhta miel- ja iešmearrideapmái. Golbma vuosttaš čuoggá leat váldojuvvon dokumeanttas *Styrket demokrati i Den norske kirke* ja guoská Norgga girkui oppalaččat, muhto njealját čuokkis lea mieleavttus biddjojuvvon Sámi girkoeallima strategalaš plánii go lea sáhka sámi girkodemokratijas.

Sámi oasi nannemis girkodemokratijas ferte nappo árvvoštallat golbma vuosttaš ja njealját čuoggá gaskavuođa mat dás ovdalik leat namuhuvvon. Demokráhtalaš struktuvra, báhppasuohkan vuodđudeaddji organisatoralaš ovttadahkan ja ovtaidlachtuid sadji ja váikkuheapmi eai nappo leat doarvái dasa ahte sihkkarastit sámi miel- ja iešmearrideami girkolaš válggain. Earenoamáš *unnitlogopolitikhka ja álgoálbmotvuogatvuodat* fertejít váldojuvvot vuhtii.

Dát ii dušše čilge manin Sámi girkolaš válgačoahkkin berre ásahuvvot, muhto čujuha maiddái *makkár fápmudus* dákkár boahttevaš čoahkkin berre oažüt.

Oassin barggus hábmet ođđa girkortnega Norgga girkui 2019 rádjái, Girkočoahkkin galgá dohkkehít Norgga girkui, ja maiddái sámi válgačoahkkima válgaortnegiid. *Válgaortnegin* gártá dasto Sámi girkolaš válgačoahkkimis *girkortnega elemeanta*. Dat dahká ahte lea vuogas geahčadit prinsihppamearrádusa maid Girkočoahkkin dagai ođđa girkolága ja girkortnega meannudeamis áššis GČ 08/07. Dalle mearridii Girkočoahkkin prinsihpalaš ládestemiid mat ain leat doaimmas ođđa girkolága ja girkortnega barggus. Mearrádusas Girkočoahkkin cealká ee.:

- Álgoálbmotbealli galgá váldojuvvot vuhtii sihke rámmalágas ja girkortnegis.

Dasto, čuoggás 1.2.2 «*Váldochprinsihpat ja ládestusat Norgga girkui girkortnega ráhkkanahttimi*», cealká Girkočoahkkin čuoggás 16:

- Girkus lea earenoamáš ovddasvástádus áimmahuššat sámi girkoeallima dárbašlaš ja ovttadássáš oassin Norgga girkus. Sivvan dása lea sápmelaččaid historjjálaš nana čanus Norgga girkui, ja sápmelaččaid árvu Norgga álgoálbmogin.

Lea lunddolaš navdit ahte ášši sámi válgačoahkkima ásaheapmi Norgga girkui lea mielde addimin dáidda sániide eanet konkrehtalaš sisdoalu.

Makkár válggain galgá Sámi girkolaš válgačoahkkimis leat oassin, ja mo?

Boahttevaš Sámi girkolaš válgačoahkkin čielggaduvvo guovtti girkolaš válgga olis: (1) válljet sámi ovddastedjiid golmma davimus bismagoddái ja Girkočoahkkimii ja (2) válljet lahtuid Sámi girkoráđđái.

Sámi girkoeallima strategalaš plána (kap. 5.17 Sámi girkodemokratija) lea davvisámi, julevsámi ja lullisámi áirasa válljen golmma davimus bismagoddái ja Girkočoahkkimii árvvoštaljojuvvon heivehuvvot davvisámi, julevsámi ja lullisámi áirasiid válljemii Sámi girkoráđđái. Dainna lágiin livče golbma namahuvvon bismagotteráđjiid áirasat automáhtalaat šaddat Sámi girkoráđi áirrasin.

Sámi girkoráđđi lea ságastallan dán vejolašvuoda (SGR 36/15), muhto lea gávnahan ahte ii leat sávahahti ovttastahtit dáid luohttámušdoaimmaid. Sámi girkoráđđi ávžžuha ahte sámi áirasiid válljen golmma davimus bismagotteráđđái earuhuvvo Sámi girkoráđđi áirasiid válljemis. Demokráhtalaččat orru vuogas ahte girkodemokratija sámi ovddastus juogaduvvo eanet olbmuide. Go dáid ámmáhiid sirre, de ii dárbbas oktage dovdat iežas čadnon nuppi ráđi mearrásusain. Lea maiddái mielde doalaheamen bargonoadi dakkár dásis ahte lea álkit fidnet olbmuid dáidda ráđiide ja ahte bargu dahkkojuvvo buorre vuogi mielde.

Sámi ovddasteddjiid válljen bismagotteráđiide ja Girkočahkkimii

Odne válljejuvvo okta davvisámi ovddasteaddji Davvi-Hålogalándda bismagotteráđđái, okta julevsámi ovddasteaddji Lulli-Hålogalándda bismagotteráđđái ja okta lullisápmelaš Nidarosa bismagotteráđđái, (gč. Girkolága § 23 vuosttas lađđasa bustáva e). Dát šaddet maiddái dan láhkái Girkočahkkima lahtut.

Guovtti davimus bismagoddái nammaduvvojít odne 10 sámi elektora (válgaolbmot) geat válljejít sámi áirasa iežaset bismagotteráđđái. Olusat leat ovttaoaivilis das ahte elektorortnega sadjái berre boahtit buoret válgaortnet, ja dát lea sivva dasa go dál hálidit ásahit Sámi girkolaš válgačoahkkima. Nidarosa bismagottis elektorortnet lea juo hilgojuvpon, ja Saemien Åálmege, sámi searvegoddi lullisámi giellaguovllus, vállje lullisámi áirasa. Dát ortnet doaibmá bures. Buot Saemien Åálmege (SÅ) lahtut boarráset go 15 lagi sahttet jienastit válggas (434 olbmo pr. 13.9.16), ollu eanebut go jus válga livččii dahkkojuvpon sámi girkolaš válgačoahkkimis. Gulaskuddamis Norgga girku boahttevaš girkoortnega hárrái lea Nidaros bismagotteráđđi cealkán ahte eai halit odđa ortnega lullisámi airasa válljemis, ja Saemien Åálmegeeraerie lea maiddái cealkán ahte SÅI livččii lávki manosguvlui jos lullisámi áirras nammaduvvo oktasaš Sámi girkolaš válgačoahkkimis. Sámi girkoráđđi doarju ahte dát ortnet joatkašuvvá.

Dasto árvala Sámi girkoráđđi ahte dušše Davvi-Hålogalándda bismagottii ja Lulli-Hålogalándda bismagotti áirasat galget válljet áirasiid iežaset bismagotteráđiide. Sivvan dasa lea ahte bismagotteráđiin lea geográfalaš ráját iežaset barggus mat maiddái dahket lunndolažjan ahte sii geat galget válljet ovddasteddjiid maiddái ásset dan bismagottis.

Deatalaš lea árvvoštallat mo dákkár juohku čuohcá Sámi girkolaš válgačoahkkima ásaheapmai, hedjonit go ákkat ásahit dan. Jos Sámi girkolaš válgačoahkkin livččii čoagganit dušše válljet golbma sámi áirasa bismagotteráđiide / Girkočahkkimii, de dát livččii deatalaš ágga. Jos válgačoahkkimii dasa lassin addá vuogatvuoda válljet 5 áirasa Sámi girkoráđđái ja eará girkolaš luohttámušdoaimmaide, ja velá eará doaimmaid Sámi girkoeallima strategalaš plána mielde, de Sámi girkoráđđi oaivvilda ahte Sámi girkolaš válgačoahkkima ásaheami sáhttá bealuštit.

Sámi girkoráđđi evttoha ahte Sámedikki válgalogahallama eavttuid galgá deavdit jos galgá sáhttit válljejuvvet sámi áirrasin. Deattuhuvvo ahte ii gáibiduvvo ahte olmmoš *lea* čáliluvvon Sámedikki válgalogahallamii.

Sámi girkolaš válgačoahkkima, Bismagotteráđi ja Girkočoahkkima gaskavuohta

Bismagotteráđi válgaráđđi

Bismagotteráđđi nammada bismagotteráđđeválggaidé válgaráđi. Válgaráđi doaibma lea jođihit barggu bismagotteráđđeválggaidé. Valgaráđđi rapportere Girkočoahkkimii.

Sámi girkolaš válgačoahkkima válgaráđđi

Sami girkoráđi lahtut doibmet Sámi girkolaš valgačoahkkima válgaráđđin. Válgaráđi doaibma lea jođihit barggu daiguin válggaiquin ja nomineremiiguin mat galget dahkkot Sámi girkolaš válgačoahkkimis. Válgaráđđi rapportere Girkočoahkkimii.



Bismagotteráđđeválggaid nominašuvdnalávdegoddi

Válgaráđđi nammada nominašuvdnalávdegotti mii geahčada evttohusaid ja nominere bismagotteráđi sámi áirasa evttohasaid. Nominašuvdnalávdegoddi sádde iežas evttohasárvälsä Sami girkolaš valgačoahkkimii.

Sámi girkolaš válgačoahkkima nominašuvdnalávdegoddi

Válgaráđđi nammada nominašuvdnalávdegotti mii geahčada evttohusaid ja evttoha geaid Sámi girkolaš válgačoahkkin galgá nomineret Sámi girkoráđi lahttun.



Sámi girkolaš válgačoahkkin – Evttohasaid loahpalaš nomineren ja válljen

- A. Sámi girkolaš válgačoahkkin nominere Sámi girkoráđi lahtuid ja várrelahtuid.
 - B. Davvi-Hålogalándda áirasat válljejit sámi áirasa oktan sadjásaččain Davvi-Hålogalándda bismagotteráđđái
 - C. Lulli-Hålogalándda áirasat válljejit sámi áirasa oktan sadjásaččain Lulli-Hålogalándda bismagotteráđđái
- Sámi girkolaš válgačoahkkima válgaráđđi sádde bohtosiid Girkočoahkkimii.

(Saemien Åålmege lahtut válljejit sami áirasa oktan sadjásaččain Nidarosa bismagotteráđđái.)



Girkočoahkkin—Lahtuid loahpalaš válljen

Girkočoahkkin vállje formálalaččat Sámi girkoráđi lahtuid ja várrelahtuid.

Sámi girkoráđi jođiheaddji ja Davvi-Hålogalándda, Lulli-Hålogalándda ja Nidarosa bismagotteráđđiid sámi ovddasteaddjít leat Girkočoahkkima lahtut.

Sámi girkoráđi válljen

Sámi girkoráđis leat 7 lahtu, ja viđas sis valljejuvvojot odne Girkočoahkkimis. Bismačoahkkin ja Sámediggi válljejit 2 mađimučča. Ortnet mas Bismačoahkkin ja Sámediggi válljejit goappat áirasa evttohuvvo joatkašuvvat. Dat mii dás vuollelis árvovoštallovuovo lea danin válgaođnet Sámi girkoráđi 5 eará lahttui, maid Girkočoahkkin dál vállje. Dat leat:

- jođiheaddji
- 1 airras Davvi-Hålogalándda bismagottis
- 1 airras Lulli-Hålogalándda bismagottis
- 1 áirras Nidarosa bismagottis
- 1 áirras eara bismagottiin

Sámi girkoráđi njuolggadusaid mielde galgá ráđis leat unnimusat okta lullisámi áirras, okta julevsámi áirras ja okta davvisámi áirras. Dábálaččat dat vállejuvvošedje Nidarosa bismagottis, Lulli-Hålogalándda bismagottis ja Davvi-Hålogalándda bismagottis, muhto sii sáhttet maid valljejuvvot eará guovlluin.

Boahttevaš váttisuuođačuolbma Sámi girkoráđi válljemis lea mo dásset Sami girkolaš válgaođhkkima ja Girkočoahkkima rollaid Sámi girkoráđi lahtuid válljemis. Girkoortnet ráddje man muddui sáhtta ođasmahttit Sámi girkoráđi válljema. Sámi girkoráđi girkoortnetlaš árvu Girkočoahkkima ásahussan sámi girkoeallima várás eaktuduvvo bisuhuvvot, gč. Girkočoahkkima mearrädusa ášsis GČ 08/16. Dat mielddisbuktá ahte Girkočoahkkimis ain galgá leat oassi Sámi girkoráđi válljemis. Odđa válgaođnega hábmémis lea vejolaš ásahit nominerenvuogi mii addá nannođset demokráhtalaš legitimehta, ja mii vel čielgaseabbo čájeha manin Sámi girkoráđđi lea sápmelaččaid ovddasteaddji Norgga girkus.

Otná ortnet mas Girkočoahkkin vállje namahuvvon 5 áirasa Sámi girkoráđđai, čájeha čielgasit mo Sámi girkoráđđi lea Girkočoahkkima fágalaš ásahus sámi girkoeallima ja álgoálbmotáššiid várás. Heajos bealli lea ahte válgaođnet ii ollásit čalmmustahte mo Sámi girkoráđđi lea jurddašuvvon doaibmat sápmelaččaid ovddasteaddji ásahussan Norgga girkus.

Dát čájeha manin lea govttolaš ahte Sámi girkolaš válgaođhkkimis oažu oasi Sámi girkoráđi lahtuid válljemis, oktan Girkočoahkkimiin. Unnitloguálbmotpolitikhkalaš ja álgoálbmotvuoigatvuoda ákkaid lassin dát maiddái nannešii Sámi girkoráđi legitimehta siskkáldasat sámi girkoeallimis, go dat čájehivččii vel čielgaseabbo ahte Sámi girkoráđđi lea vuodđuduuvvon sámi girkoeallimii, ja lea sápmelaččaid ovddasteaddji ásahus Norgga girkus.

Demokráhtalaš vuodđudeapmi sihke Sámi girkolaš válgaođhkkimis ja Girkočoahkkimis sáhtta jurddašuvvot moatti láhkái. «Geanohat vuohki» (sámi oainnu mielde) lea ahte sámi girkolaš válgaođhkkin dušše ovddida evttohasaid girkočoahkkima nominašuvdnalávdegoddai geaid gaskkas Girkočoahkkin dasto vállje. «Nannođset vuohki» lea ahte sámi girkolaš válgaođhkkin ráhkada gárvves lahtto- ja várrelahttoevttohusa Sámi girkoráđi válljemii, maid Girkočoahkkin (dábálaččat) doarju ja formálalaččat vállje. Dás oččošii válgaođhkkin oasi mii dábálaččat gullá nominašuvdnalávdegoddái. Okta hástalus dáninna vugiin sáhtta leat ahte Girkočoahkkima (dábálaš) nominašuvdnalávdegoddii ii oaččo ollislaš gova go galgá nomineret evttohasaid iešguđet luohttámušdoaimmaide maid Girkočoahkkin vállje.

Sámi girkoráđđi dattege oaivvilda ahte sámi iešmearrideami prinsihppa galgá leat nanus. Mii ávžžuhit danin ahte Sámi girkolaš válgaođhkkin ráhkada gárvves lahtto- ja várrelahttoevttohusa Sámi girkoráđi válljemii, maid Girkočoahkkin (dábálaččat) doarju ja formálalaččat vállje.

Ollu váikkuhus	Unnit váikkuhus
Sámi girkolaš válgačoahkkin nominere gárvves <i>evttohusa lahtuin ja várrelahtuin</i> Sámi girkoráđđái, maid Girkočoahkkin (dábálaččat) doarju ja formálalaččat vállje.	Sámi girkolaš válgačoahkkin árvala <i>evttohasaid Girkočoahkkima nominašuvdnalávdegoddái</i> maid gaskkas Girkočoahkkin vállje.

Saemien Åálmegeeraerie lea Boahttevaš girkooortnega geaidnoválljema gulaskuddanvástádusas cealkán ahte sii eai hálit ahte Sámi girkoráđi lullisámi lahttu válljejuvvo Sámi girkolaš válgačoahkkimis, muhto ahte dan válljejit Saemien Åálmege miellahtut; dás čujuhit dasa ahte lullisámi lahttu bismagotteráđđái odne válljejuvvo dan láhkái. Sámi girkoráđđi lea árvvoštallan dán vejolašvuodja, muhto oaivvilda ahte dat ii leat sávahahti.

Sámi girkoráđđi oaivvilda ahte Sámi girkolaš válgačoahkkin galgá evttohit buot 5 lahtu maid Girkočoahkkin dál vállje. Bismagotteráđđi ja Sámi girkoráđđi leat goappat lágán ásahusat main bismagotteráđđiin vuosttažettiin lea guovlulgirkolaš ovddasvástádus, ja Sámi girkoráđđi gis lea guovddášgirkolaš ásahus mas lea oppagirkolaš ovddasvástádus Norgga beale sámi girkoeallimis. Dán ferte atnit muittus go árvvoštallá makkár válgaortnegiin Sámi girkoráđi lahtuid vállje.

Sámi girkoráđi oppagirkolaš ovddasvástádus dávistuvvo otná válgaortnegis dainna lágiin ahte válga dáhpáhuvvá dan ásahusas mas čielgaseamosit lea oppagirkolaš ovddasvástádus Norgga girkus, namalassii Girkočoahkkin. Dakkár ákkastallama sáhttá maiddái atnit Sámi girkolaš válgačoahkkima dáfus. Go buot 5 evttohasa Sámi girkoráđđái evttohuvvojít dán čoahkkimis, de dat dakhá čielggasin dan oppagirkolaš ovddasvástádusa mii Sámi girkoráđis ja dan lahtuin lea Norgga girku sámi girkoeallimis. Go dál jurddašuvvo sámi girkoeallimii addit nannoiset rolla Sámi girkoráđi válljemis, lea lunddolaš ahte dakkár válljen dáhpáhuvvá čoahkkimis mas leat áirasat miehtá riikkja, mii nu ollu go vejolaš sulastahttá Girkočoahkkima.

Jos Sámi girkoráđi lullisámi áirasa vállje olggobealde sámi válgačoahkkima, de dat sáhttá raššudit Sámi girkolaš válgačoahkkima vejolašvuodja háhkat čohkkejeaddji sámigirkolaš legitimitehta Sámi girkoráđi guovdu. Dás lea mearkkašupmi daidda lassidoaimmaide maid jurddašit bidjet válgačoahkkimii, ja dat guoskkahuvvojít lagabui manjti kapihtalis.

Eará ágga manin Sámi girkolaš válgačoahkkin lea mielde dan 5 lahtu válljemis, lea válgateknihkalaš: Dat dakhá válgačoahkkimii álkibun váldit vuhtii ollisvuodja, sohkabeliid dáfus, nuoraidovddastus jna. oktasaš evttohusas mii biddjojuvvo Girkočoahkkima ovdii.

Eará doaimmat válgačoahkkimis

Norgga girku Sámi girkolaš válgačoahkkin čohkke olbmuid viidát ja šaddá buoremus ovddasteaddji čoagganeapmi oppalaččat Norgga girku sámi girkoeallimii. Ieš válggat eai ádján nu guhká. Dáinna ákkain lea lunddolaš smiehttat makkár eará doaimmaid válgačoahkkimii sáhttá bidjet.

Girkoráđđi lea áššis GR 49/13 cealkán ahte sámi válgačoahkkima guorahallan berre váldit vuhtii Sámi girkoeallima strategalaš plána áigumušaid dán válgačoahkkima dáfus. Dát mielddisbuktá vissis doaimmaid earret válgateknihkalaš áššiid. Sámi girkoeallima strategalaš plána cealká ná dan hárrái:

Sámi girkočoahkkin sáhttá dasto jurdašuvvot báikin mas ságastallojuvvojít deatalaš fáttát, gažaldagat ja geaidnoválljemat sámi girkoeallimii, ja ovddidit ovttasbarggu ja dialoga báikkálaš, guovllu ja guovddáš dásiid gaskkas sámi girkoeallimis, ja sámi girkoeallima iešguđetge guovlluid. Okta modealla lea ahte dakkár čoahkkin doaibmá muhtin lágán ovddastusgoddin Norgga girku sámi girkoeallimii.

Sámi girkoeallima strategalaš plána atná dás sáni «girkočoahkkin», muhto dát čielggadus gis atná dajaldaga «válgačoahkkin». Sivva dasa lea ahte ášsis vuosttažettiin lea sáhka rahkadit buoret *válgaortnegiid* sámi girkodemokratijii, ii das ahte ráhkadir ođđa *girkoortnega* mii de govčašii viidáseabbo.² Dát dárkilmahattin ii rihko strategalaš plána áigumušaid, muhto baicce dárkilmahattá daid. Strategalaš plána áigumuš váldojuvvo vuhtii go Sámi girkolaš válgačoahkkin oažžu mearridanválldi válgaáššiin (nappo válgaorgána), muhto muđui dat galgá leat *ráđđeaddi orgána*.

Strategalaš plána sánit ahte čoahkkin «*jurddašuvvo(t) báikin mas ságastallojuvvorit deatalaš fáttát, gažaldagat ja geaidnoválljemat sámi girkoeallimii, ja ovddidit ovttasbarggu ja dialoga báikkálaš, guovllu ja guovddáš dásiid gaskkas sámi girkoeallimis*», mielldisbuktá ahte válgačoahkkin berre ovdánahttojuvvot deatalaš *gulahallanarenan* Norgga girku sámi girkoeallimii.

Dát orošii leamen jierpmálaš. Odne Sámi girkoráđis lea čielga čoahkkin masa vástidit ollislaččat Norgga girkus, namalassii Girkočoahkkin. Sámi iešmearridanoainnus goit ii leat makkárge ovddasteaddji ásahus sámi girkoeallimis masa Sámi girkoráđdi sahttá sárdnut ja masa ráđđi sahttá čielggadit ja vástidit iežas barggu ovddas. Sáhttá navdit ahte ovttasbargui ja dialogii báikkálaš, guovllu ja guovddáš dásis sámi girkoeallimis livčii buorre jos diekkár arena gávdnošii, ja dakkár sámi girkolaš válgačoahkkin orošii lagamusas deavdit dien lágán dárbbu.

Jos Sámi girkolaš válgačoahkkin oažžu dakkár doaimma, lea deatalaš jurddašit dán Sámi girkoráđi oppagirkolaš ovddasvástadusa dáfus «ovddidit, várjalit ja ovttastahttit Norgga girku Sámi girkoeallima» (gč. SGRs njuolggadusaid, § 2-a). Lea lunddolaš ahte Sámi girkoráđdi oažžu dihto rolla válgačoahkkima ektui, ja nuppe bealis ahte jurddašuvvo man muddui válgačoahkkin oažžu vejolašvuđa bukit cealkámušaid Sámi girkoráđdai.

Lea deatalaš dárkilastit ahte válgačoahkkima ja Sámi girkoráđi gaskavuohta ii ovdán nu ahte lihkaha Sámi girkoráđi árvvu Girkočoahkkima orgánan. Girkočoahkkin šaddá ain formálalaččat Sámi girkoráđi barggaheadđji, muhto bisuhan dihtii ráđi válodoaimma «ovddidit, várjalit ja ovttastahttit Norgga girku Sámi girkoeallima», lea áibbas lunddolaš ahte ráđđi gulahallá, guldala ja váldá mielde válgačoahkkima oaiviiliid, mii šaddá eanemus ovddasteaddji čoahkkin Norgga girku sámi girkoeallimis riikkaviidosaččat. Dakkár deaivvadanbáiki šaddá buorre arenan juogadit vásáhusaid ja máhtu. Ovdamearkan atnit oskuoahpahusa – vásáhus- ja máhttojuogadeapmi das mo searvegottit systemalaččat barget sámi oskuoahpahusain, nugo sotnabeaivskuvla, konfirmántaoahpahus, biibbalkursa jna.

Sámi válgačoahkkin Norgga girkus galggašii lágiduvvot juohke 4. lagi. Čoahkkin navdimis dollojuvvo 2. tertíálas lagi ovdal go Girkočoahkkin válle ođđa Sámi girkoráđi. Doaibmi Sámi girkoráđdi leamaš dalle ámmáhis šiega 3 lagi. Sáhttá leat vuogas jos Sami girkoráđdi beassá bukit rapportta Sámi girkolaš válgačoahkkimii sámi girkoeallima ovdáneamis dan golmma lagi áigodagas, ja maiddái válgačoahkkima statusa ja ovdáneami birra. Sáhtášii maiddai leat vejolaš bovdet ságastallamii deatalaš doaimmaid ja strategalaš geaidnoválljemiid hárrái ovddosguvlui. Válgačoahkkin sáhtášii dán láhkái šaddat márssolaš arenan vuostáiváldit signálaid sámi girkoeallimis juohke guovllus, almmá attekeahttá válgačoahkkimii mandáhta bagadallat Sámi girkoráđi.

Válgačoahkkima doaibma sámi girkoeallima gulahallanásahussan dorjošii dasa lassin čoahkkima almmolaš doaimma válgačoahkkimin. Dát livčii danin go ságastallan áššiid hárrái mat leat deatalaččat sámi girkoeallimii lea lunddolaš go dat galgá gávdnat evttohasaid. Ovdamearkkat dás leat teologalaš gažaldagat sámi oktavuođain ja ságastallamat girku oasi birra sámi servodagas. Go Sámi

² Dárkilmahattin «*viidáset vuohki*» geažuha ahte Sámi girkolaš válgačoahkkin oažžu saji *girkoortnegii* válgaorgánan. Earret dan ii leat oaivil ásahit čoahkkima ođđa *mearridanválđin* Norgga girkui.

girkolaš válgačoahkkin jienasteamis addá čielga ráđi Girkočoahkkimii das geat buoremusat heivejít Sámi girkoráđi lahttun, lea áššáiguoski ahte dakkár jienasteapmi dáhpáhuvvá manjil diđolaš ságastallama das mat sámi girkoeallimis leat váldochástalusat. Dát guoská buot 5 lahttui mat galget válljejuvvot, ja earenoamážit Sámi girkoráđi jođiheaddji válljemii.

Dákkár ákkastallama mielde oččošii Sámi girkolaš válgačoahkkin ráđđeaddi doaimma áššiin mat gusket Norgga girku sámi girkoeallimii, vuosttažettiin Sámi girkoráđi dáfus.

Sámi girkoráđđi evttoha ja nammada dál sámi ovddasteddjid iešguđet girkolaš ráđiide ja juhkosiidda. Lea vejolaš ahte muhtin nammademiid sáhttá Sámi girkolaš válgačoahkkin dahkat. Muhtin doaimmaide sáhttá leat ovdamunnin ahte lea valgačoahkkin gii lea nammadan olbmo. Dát guoskkašii ovdamearkka dihtii áirasiidda riikkaidgaskasaš ásahusaide. Hástalus sáhttá leat ahte válgačoahkkin dollojuvvo dušše juohke njealját lagi, ja eai dáiđde heivet buot nammademiid dáfus. Das ferte árvoštallat mo vuohkkasit sáhttá doaibmat. Dan oktavuođas namahit ahte Girkočoahkkin lea delegeren nammademiid Girkoráđđai 2011 rájes.

Lea maiddái deatalaš ahte lágiduvvojot okta dahje eanet ipmilbálvalusa, ruhkosat dahje sálbmålavlun-čoagganeamit, nu ahte sámi válgačoahkkin maiddái livčii čoagganeapmi Ipmila sáni birra go nu olusat deaivvadit.



Govva 1 Lea deatalas ahte Sámi girkolaš válgačoahkkin maiddái oažju vuoinjyalaš beali go nu olusat čoahkkanit

Go sámi girkolaš válgačoahkkima válljemat dáhpáhuvvet dákkár oktavuođas, de dat nanosmahtášii Sámi girkoráđi ollesgirkolaš áahussan Norgga girku sápmelačaide, ja maiddái čujuhivčče ráđi ollesáiggi ovddsavstådusa dán ollisuhtii manjil go olmmoš lea válljejuvvon. Livčii dalle lunddolaš ahte Sámi girkoráđđi rapportere ruovttoluotta dán čoagganeapmái válgačoahkkimis 4 lagi manjil.

Jos Sámi girkolaš válgačoahkkin lágiduvvo vuosttas geardde 2019:is, de šattašii dakkár vuorroortnet ahte dát čoahkkin ii leat seammá lagi go Sámi girkobeavvit. Sami girkobeavvit leat daviriikkalaš girkolaš čoagganabáiki mat maiddái lágiduvvojot juohke 4. lagi. Sámi girkobeavvit lágiduvvojot 2017:is ja dasto 2021:is. Dakkár heiveheapmi lea maiddái deatalaš danin go Sámi girkobeavvit

miehtásámi deaivvadeapmin leat mielde dahkamin ahte sápmelaččat sáhttet doallat oktavuođa riikkarájáid rastá.

Válgačoahkkima čoahkkádus ja áirasiid nammadanortnet

Sámi girkolaš válgačoahkkima čoahkkádusevttohus vuolggahuvvo dan modeallas mii evttohuvvo Sámi girkoeallima strategalaš plánas. Doppe evttohuvvo dákkár juohku:

- 1 sámi áirras man Saemien Åålmege evttoha
- 1 sámi áirras juohke báhppasuohkanis sámi giellahálddašanguovllus (oktiibuot 10)³
- 1 sámi áirras juohke proavássuohkanis sámi ássanguovllus (oktiibuot su. 30 proavássuohkana: D-H: 9, L-H: 7, Nid: 13, Møre: 1, Ham: 1)
- 5 sámi áirasa Lulli-Norggas
- 1 sámi bismagotteráđiáirras Nidarosas, L-H:s ja D-H:s (oktiibuot 3)
- Sámi girkoráđđi (oktiibuot 7)
- (1 sámi nuoraidáirras mii ovddasta Sung)

Jos buohkat sáddejít áirasa, šattašedje su. 60.

Sámi girkoeallima startegalaš plánas ii evttohuvvo mo áirasiid galggašii nammadit, muhto lea lunddolaš jurddašit ahte girkolaš ovttadagat nammaidt áirasiid sámi válgačoahkkimii. Dát mearkkaša eahpenjuolga válgaortnega. Njuolggoválggat eai oro áigeguovdilat go ii gávdno sámi girkolaš jienastuslohku.


Juohke searvegotteráđđi sáhtášii dasto nammadit iežaset áirasiid. Proavássuohkandási áirasiid sáhttet buot proavássuohkana searvegotteráđit válljet jienasteamis. Sámi girkoráđđi árvala ahte bismagotteráđit lulábealde Hamara ja Møre nammadit iešguđetge áirasa sámi bargojoavkkuid, searvegotteráđđi ja proavássuohkaniid evttohusa mielde.

Buori áiggis ovdal Sámi girkolaš válgačoahkkima 2019:s fertejít ráhkaduvvot *eavttut ja guovddáš njuolggadusat* juohke nammadanprosessii báikkálaš ja guovllu dásis, vai dát dahkkojit áiggil ja nu inkluderejeaddjin go vejolaš, ja searvegottiid, proavásgottiid ja bismagottiid sámi birrasat ožzot vejolašvuoda árvalit evttohasaid nammadadeaddji ásahusaide.

Muđui eaktuduvvo ahte sámi válgačoahkkima áirasiid nammadapeapmi dáhpahuvvá dábálaš doaimmaid siskkobealde, eai ge dagat lassigoluid maid ferte čájehit dán áššečilgehusas.

³ Čakčamánuš 2016 leat 10 báhppasuohkana mielde sámi giellahálddašanguovllus. Sámi giellalávdegoddi man ráđđehus nammadii lea ožzon bargun suokkardit mo sámegiela geavaheapmi almmolaš balvalusas galgá buoriduvvot. Lávdegoddi evttoha giellaguovlojuogu mas leat differensierejuvpon geatnegasvuodat otná ortnega sadjái sámi giellahálddašanguovlluiguin. Mii eaktudit ahte áirasiid logu sáhttá lasihit sámi giellalága rievdademiid vuodul.

Áirasat Sámi girkolaš válgačoahkkimii



Govva 2 Sámi girkolaš válgačoahkkima áirasiid listu

Girkolaš ovttadagaid ja sámi guovlluid lotnolasvuohta

Startegalaš plána evttohus Sámi girkolaš válgačoahkkima ásaheapmái vuodđuduvvo *girkolaš ovttadagaid* (báhppasuhkan/searvegodi, proavásgoddi) lotnolasvuhtii ja juogadeapmi iešguđet guovllušlájaide (sámi giellahálddašanguovlu, sámi ássanguovlu, sámi ássanguovllu olggobealde / Lulli-Norga).

Golbma guovllušlája mearridit sámi ovddasteami meari. Eaktudit ahte sámi giellahálddašanguovllus leat eanet sápmelaččat, mat de addet ovddastusa báhppasuhkandásis. Sámi guovlluin giellahálddašanguovllu olggobealde addojuvvo ovddasteapmi proavássuohkandásis. Lulli-Norggas (dás oaivvilduvvojtit bismagottit Nidarosa lulábealde) lea dušše geažiduvvon áirraslohku (5), ja ii man dásis ovddasteapmi lea. Lea lunddolaš jurddašit ahte dat šattasii bismagottedásis.

Dát vuohki mo hábmet Sámi girkolaš válgačoahkkima vuolggahuvvo girkolaš válljejuvvon ásahusaid vuogi mieldet, ja dássejuvvo sámi ovddastemiin iešguđet sámi guovlluin. Dákkár hápmi addá sturrodaga mii orošii vuogas, ja orru maiddái realistalaš ekonomalaš sivaid dihtii.

Giellaguovlluid juohku

Lea lunddolas geahčadit makkár ovddasteami evttohuvvon vuohki attášii davvisámi, julevsámi ja lullisámi girkoeallimii.

Davvi-Hálogalándda bismagottis ovddastuvvojtit 7 báhppasuhkana ja 9 proavássuohkana, oktiibuot 16 áirasa. Buot dát bohtet davvisámi (sáhttet maid nuortalalaš) giellaguovllus, ja sii ovddastit de

davvisámi girkoeallima. Go válgačoahkkin galgá boahtit dálá elektorortnega sadjái, lea vuogas namahit ahte dál leat dušše 10 elektora mielde válggain.

Lulli-Hålogalándda bismagottis ovddastuvvojit 3 báhppasuhkana ja 8 proavássuohkana, oktiibuot 11 áirasa. Eatnašat sis ovddastit julevsámi ja bihtánsámi giellaguovllu, ja 3 proavássuohkana leat lillisámi guovllus, ja goit okta belohahkii davvisámi giellaguovllus. Lea jahkehahti ahte eanetlohu dain, muhto eai buot 11 áirasa, leat julevsápmelačcat. Dát lea viehka lahka otná ortnega elektorválljemiin. Dássážii leat Lulli-Hålogalándda elektorat gullan maiddái eara sámi giellaguovlluide go julevsámi. Árbevirolaš sámi giellaguovlluid dáfus dát lea lunddolaš, vaikko ferte doalahit Lulli-Hålogalándda bismagotti sierra ovddasvástadusa julevsámi girkoeallima hárrai.

Nidaros bismagotti ovddastit 1 sámi searvegoddi (Saemien Åálmege), 2 báhppasuhkana ja 13 proavássuohkana. Dasa lassin ovddastit lillisámi girkoeallima 1 proavássuohkan Hamara bismagottis ja 3 Lulli-Hålogalánddas ja 1 Møres. Vaikko Saemien Åálmege (SÅ) bajábeale evttohusas formálalačcat nammadit dušše 1 áirasa, de leat navdimis olusat lillisámi guovllu eara áirasiin SÅ lahtut. Sáhtta maid jurddašit vuogi mas Saemien Åálmegeeraerie (SÅR) oažju vejolašvuoda leat mielde válljemin sámi ovddasteaddji olles lillisámi ássanguovllu proavássuohkaniin, seammá dásis go searvegotteráđit dáid proavássuohkaniin (Geahča vuollelis «Áirasiid nammadeapmi ja válljen»-oasis).

Lillisámi girkoeallin orru geažiduvvon vuogi mielde oažumin govtolaš ovddastumi válgačoahkkimii. Dás ii leat áššáiguoskevaš veardidit 10 elektoriin, go dat ortnet lea juo heittihuvvon lillisámi áirasa valljemis Nidarosa bismagotteráđđái, ja dan sadjái lea boahtan vuohki mas buot SÅ lahtut boarráset go 15 lagi, sahttet jienastit.

Sámi girkoeallima startegalaš plána ii namat nuoraidovddastumi, muhto eaktuduvvo ahte girkodemokratija ládestusat sohkabealdássema ja nuoraidovddasteami dafus čuvvojuvvojit. Norgga girku Sami nuoraidlávdegoddi (Sung) galga ásahuvvot Sámi girkoeallima strategalaš plána ládestusaid mielde. Sámi girkoráđđi evttoha ahte go dat lea ásahuvvon, de sii ožot 1 áirasa Sámi girkolaš válgačoahkkimii. Sámi girkoráđđi mielas lea nuoraid ovttadássáš ja duohta oassálastin sámi girkodemokratijas buorre sámi girkoeallima rekrutteremii.

Nominašuvdnaproseassat – sámi áirasiid válljen

Ovdal go sámi áirasat válljejuvvojit bismagotteráđđiide ja Sámi girkoráđđái, ferte čađahuvvot nominašuvdna. Evttohusat leat hui lahka dálá nominašuvdnavigiid.

Nominašuvdnauogit mat ledje 2015 girkoválggain, rievdaduvvojit vuordimis veahá ovdal 2019 girkoválggaid, muhto ii leat vel čielggas mo. Fertet danin váruhit ahte dát rievdamat sáhttet váikkuhit sámi áirasiid nominašuvdnii ja válljemii.

Dáinna eavttuin čilgejuvvojit buot Sámi girkolaš válgačoahkkima evttohasaid nominašuvnnat. Juohke čuoggás čielggaduvvo vuos dalá vuohki, dasto ođđa evttohus *vinjučállagiin*.

Nominašuvdnaproseassa bismagotteráđđevalggaide

Sámi áirasiid válljen bismagotteráđđid nominašuvdnalávdegottiide

Otná ortnet: Sámi áirasiid nominašuvdna golmma davimus bismagotteráđđái lea dáid bismagottiid nominašuvdnalávdegottiid hálddus. Bismagotteráđđit nammadit nominašuvdnalávdegotti, daid gaskkas okta sámi lahttu. Sámi girkoráđđi evttoha sámi lahtu (gč. Regler for valg av bispedømmeråd og Kirkemøtet, §2-6 vuosttaš oassi).

Evttohit joatkit dálá vugkás go dat heive.

Sámi evttohasaid nomineren Davvi-Hålogalandda bismagotteráđđái

Dálá vuohki: Bismagotteráđđi ávžžuha buot iežas bismagotti searvegotteráđđiid árvalit golbma davvisámi evttohasa, sin gaskkas guoktása geat eaba bargga girkus. Nominašuvdnalávdegoddi ráhkada árvalusaid vuodul alfabehtalaš listtu mas leat vihta davvisámi evttohasa, mii sáddejuvvo valgaráđđái.

Dálá vuohki evttohuvvo jotkojuvvot nu guhkás go dat heive. Válgaráđđi sádde listtu Sámi girkolaš válgačoahkkimii loahpalaš nominašuvdnii.

Sámi evttohasaid nomineren Lulli-Hålogalandda bismagotteráđđái

Dálá vuohki: Bismagotteráđđi ávžžuha buot iežas bismagotti searvegotteráđđiid árvalit golbma julevsámi evttohasa, sin gaskkas guoktása geat eaba bargga girkus. Nominašuvdnalávdegoddi ráhkada árvalusaid vuodul alfabehtalaš listtu mas leat vihta julevsámi evttohasa, mii sáddejuvvo valgaráđđái.

Dálá vuohki evttohuvvo jotkojuvvot nu guhkás go dat heive. Válgaráđđi sádde listtu Sámi girkolaš válgačoahkkimii loahpalaš nominašuvdnii.

Sámi evttohasaid nomineren Nidarosa bismagotteráđđái

Dálá vuohki: Bismagotteráđđi ávžžuha buot Nidarosa bismagotti searvegottiid (dáid gaskkas Saemien Åálmege) árvalit golbma lullisámi evttohasa, sin gaskkas guoktása geat eaba bargga girkus.

Nominašuvdnalávdegoddi ráhkada árvalusaid vuodul alfabehtalaš listtu mas leat vihta lullisámi evttohasa, mii sáddejuvvo valgaráđđái (gč. Regler for valg av sørsamisk kandidat til bdr og KM). Válgaráđđi sádde listtu Saemien Åálmege (SÅ) lahtuide. Såla lahtut jienastit sámi áirasa oktan várelahtuin Nidarosa bismagotteráđđái.

Dálá vuohki evttohuvvo jotkojuvvot nu guhkás go dat heive.

Sámi girkoráđi válggaid nominašuvdnaproseassa

Sámediggi ja Bismačoahkkin válljejit guoktása Sámi girkoráđi čieža lahtus. Eaktuduvvo ahte dát ortnet joatkašuvvá.

Sámi válgaráđi valljen

Jos Sámi girkolaš válgačoahkkin (SGV) oažžu oasi Sámi girkoráđi manjimuš 5 lahtu válljemis, de ferte Sámi girkolas válgačoahkkimii ásahuvvot válgaráđđi. Evttohuvvo ahte válgaráđi lahtut leat dat 5 Sámi girkoráđi lahtu maid SGV vállje. Evttohuvvo ahte válgaráđđi jođiha válgaproseassa barggu. Válgaráđi njuolggadusat evttohuvvojtit seammá lágánin go bismagotteráđđiid válgaráđđiid njuolggadusat nu guhkás go dat heive.

Sámi girkoráđi jođiheaddjievtohasat

Dálá ortnet: Girkočoahkkima válgalávdegoddi dahká nominašuvnna. Dát dahkko nu ahte Sámi girkoráđđi árvala evttohasaid válgalávdegoddái sámi ássanguovlluid searvegottiid evttohusaid mielde.

Odđa vuogi evttohus: Sámi girkolaš válgačoahkkin dahká nominašuvnna. Buot riikka searvegottit bivdojuvvojtit buktit evttohusaid.

Evttohasat Sámi girkoráđđái davvisámi giellaguovllus

Dálá ortnet: Girkočoahkkima válgalávdegoddi dahká nominašuvnna, Davvi-Hålogalandda bismagotteráđi evttohusa mielde. (Gč. Regler for valg, bdr og Km, Sámi girkoráđi njuolggadusat)

Odđa vuogi evttohus: Sámi girkolaš válgačoahkkin dahká nominašuvnna. Buot Davvi-Hålogalandda searvegottit bivdojuvvojtit buktit evttohusaid.

Evttohas Sámi girkoráđđái julevámi giellaguovllus

Dálá ortnet: Girkočoahkkima válgalávdegoddi dahká julevsámi evttohasa nominašuvnna, Lulli-Hålogalándda bismagotteráđi evttohusa mielde. (Gč. Regler for valg, bdr og Km, Sámi girkoráđi njuolggadusat)

Ođđa vuogi evttohus: Sámi girkolaš válgačoahkkin dakhá nominašuvnna. Buot Lulli-Hålogalándda bismagotti searvegottit bivdojuvvojtit buktit evttohusaid, earret daid searvegottiid mat árvalit evttohasaid lullisámi giellaguovllus.

Evttohas Sámi girkoráđđái lullisámi giellaguovllus

Dálá ortnet: Girkočoahkkima válgalávdegoddi dahká Sámi girkoráđi lullisámi evttohasa nominašuvnna, Nidarosa bismagotteráđi evttohusa mielde. (Gč. Regler for valg, bdr og Km, Sámi girkoráđi njuolggadusat)

Ođđa vuogi evttohus: Sámi girkolaš válgačoahkkin dakhá nominašuvnna. Buot Nidarosa bismagotti searvegottit, maiddái Saemien Åålmege ja dat proavássuohkanat Lulli-Hålogalándda, Hamara ja Møre bismagottiin mat gullet lullisámi giellaguvlui bivdojuvvojtit árvalit evttohasaid.

- *Lulli-Hålogalándda bismagottis evttohuvvojtit Lulli-Helgelándda, Davvi-Hegelándda ja Siskkit Helgelándda proavásgottit lohkkojuvvot mielde.*
- *Hamara bismagottis evttohuvvo Davvi-Østerdal proavásgoddi lohkkojuvvot mielde.*
- *Møre bismagottis evttohuvvo Siskkit Nordmøre proavásgoddi lohkkojuvvot mielde.*

Dát evttohus váldá málleń Sámedikki lullisámi válgabiire.

Evttohasat eará bismagottiin (dl. golmma davimus bismagotti lulábealde)

Dálá ortnet: Girkočoahkkima válgalávdegoddi dahká eará bismagottiid evttohasa nominašuvnna, daid bismagottiid evttohusa mielde mat leat golmma davimus bismagotti lulábealde. (Gč. Regler for valg, bdr og Km, Sámi girkoráđi njuolggadusat)

Ođđa vuogi evttohus: Sámi girkolaš válgačoahkkin dakhá nominašuvnna. Buot eará bismagottiid searvegottit bivdojuvvojtit árvalit sámi evttohasa eará bismagottiin.

Sámi girkoráđđi—7 lahtu

Sámi girkoráđi jođtheadđi Buot riikka searvegottit bovdejuvvorit buktit evttohusaid Nominerejuvvo Sámi girkolaš válgačoahkkimis, váljejuvvo formálalaččat Girkоčoahkkimis.	Davvisámi guovllu lahttu Buot Davvi-Hálogalándda searvegottit bovdejuvvorit buktit evttohusaid Nominerejuvvoit Sámi girkolaš válgačoahkkimis, váljejuvvo formálalaččat Girkоčoahkkimis	Julevsámi guovllu áírras Searvegottit 5 proavássuohkanis Lulli-Hálogaláddas bovdejuvvorit buktit evttohusaid: <ul style="list-style-type: none">• Budeaju duopmoproavás-suohkan• Sáltru proavás-suohkan• Ufuhta proavás-suohkan• Lofuhta proavássuohkan• Viesterállasa proavássuohkan Nominerejuvvoit Sámi girkolaš válgačoahkkimis, váljejuvvo formálalaččat Girkоčoahkkimis	Lullisámi guovllu lahttu Dáid proavássuohkaniiid searvegottit bovdejuvvorit buktit evttohusaid: Nidaros: buot proavássuohkanat, maiddái Saemien áálmege Lulli-Hálogalánda: Davvi-Helgeland, Lulli-Helgeland ja Siskkit Helgeland proavássuohkanat Hamar: Davvi-Østerdal og Lulli-Østerdal proavássuohkanat Møre: Siskkit Nordmøre proavássuohkan Nominerejuvvoit Sámi girkolaš válgačoahkkimis, váljejuvvo formálalaččat Girkоčoahkkimis	Eará bismagottiid lahttu Eará bismagottiid searvegottit bovdejuvvorit buktit evttohusaid Bismagottit: Hamar, Møre, Bjørgvin Oslo, Tunsberg, Borg, Agder ja Telemark, Stavanger. Nominerejuvvoit Sámi girkolaš válgačoahkkimis, váljejuvvo formálalaččat Girkоčoahkkimis	Sámedikki váljejuvvon lahttu	Bismačoahkkima váljejuvvon lahttu
---	---	---	---	---	-------------------------------------	--

Govva 3 Evttohus ođđa nominerenvuohkái Sámi girkoráđi lahtuide.

Sámi girkolaš válgačoahkkima nominašuvdnalávdegoddi

Vaikko Sámi girkolaš válgačoahkkim (SGV) lea nominašuvdnačoahkkim, ja evttohasaid formálalaš válga dahpáhuvvá Girkоčoahkkimis, de mii árvikit ahte ferte bargat evttohasárvalusaid čohkkemiin ovdal SGV. Sámi girkoráđđi evttoha ahte ásahuvvo nominašuvdnalávdegoddi, mii oažju doaibman árvalit evttohasaid nominašuvdnii. SGV berre válljet dán lávdegotti, muhto Sámi girkoráđđi berre oažžut fápmudusa dievasmahttit lávdegotti jos dasa lea dárbu guovtti čoahkkima gaskkas. Lea sávahahti ahte lea buorre ahkejuohku, sohkabeliid dássádat, girkopolitikhalaš ja geográfalaš juohku nammadeamis. Válgalávdegotti bargui ferte ráhkadir njuolggadusaid, muhto evttohuvvo ahte nu guhkás go vejolaš geavahit seammá njuolggadusaid go mat bismagotteráđđiit nominašuvdnalávdegottiin leat. Evttohuvvo ahte Sámi girkoráđi lahtut eai sáhte leat mielde dán lávdegottis.

Ekonomalaš ja hálddahukslaš váikkuhusat

Ekonomalaš ja hálddahukslaš váikkuhusat mat dás maŋás čilgejuvvorit, gusket vuosttažettiin valgačoahkkima čađaheapmái, ja muhtin muddui ráhkaneapmái, ja bargguide maŋjil čoahkkima.

Meroštus dás vuollelis bidjá eaktun ahte dakkár čoahkkin bistá 3 beaivvi. Válgaguoskevaš áššiid lassin addojuvvo vejolašvuohta geahčalit válgačoahkkima ságastallanarenan Norgga girku sámi girkoeallimii.

Sámi girkoráđi čállingoddi eaktuduvvo dahkat válđooasi hálddahukslaš barggus sihke ovdal čoahkkima, čoahkkima áigge ja dan maŋjá, muhto čoahkkin sáhttá maiddái muhtin muddui barggahit eará ossodagaid Girkoráđis.

Vuosttažettiin lea jurdda ahte hálddahuslaš bealli dahkkojuvvo dábálaš hálddahuslaš resurssaid bokte, muhto ferte árvvoštallat gáibida go válgačoahkkin maiddái lassi hálddahuslaš fámuid ráhkkaneamis ja čađaheamis. Dát manjimuš ášši lea geažiduvvon sierra sárggesčuokkisin vuollelis almmá namatkeahttá meari.

Gollomeroštallan lea dahkkojuvvon 2016 gollodási mielde.

- Simultándulkon sámegielaid ja dárog gask: kr 300 000
- Čoahkkinlatnja oktan borramušain: kr 100 000
- Mátki, borramuš, orrun su. 60 áirrasii: kr 600 000
- Su. 60 áirasa dienasmassin: kr 300 000
- Ipmilbálvalus, logaldagat, kulturovdanbuktin: kr 50 000
- Mátki, orrun jna su. 10 (?) čállingottis: kr 100 000
- Čállingotti badjelággebargu: kr 20 000
- Nomin.lávdegotti ovdabargu: kr 50 000 (2 čoahkkima 5 olbmo)
- Dárbu lasihit čállingotti kapasiteahta ovdabarggus ja čađaheamis

Meroštallan lea nappo su. 1,55 mill. go lassi čállengoddekapasiteahtta ii rehkenastojuvvo.

Gulaskuddangažaldagat

Sámi girkoráđđi sávvá gullat oaiviliid Sámi girkolaš válgačoahkkima (SGV) ásaheapmái oppalaččat. Dasa lassin leat muhtin gažaldagat maid mii dáhttut vuostaváldiid earenoamážit guorahallat.

- Mii dáhttut oainnuid iežamet evttohussii mo galgá válljet sámi áirasiid bismagotteráđiide ja Sámi girkoráđđái. Dasto dáhttut gullat mo Sámi girkolaš válgačoahkkima ja Girkooahkkima rollat galget heivehuvvot dáid valggain.
- Mii hálidit oaiviliid ja evttohusaid Sámi girkolaš válgačoahkkima doaimmaid hárrái muđui.
- Mii hálidit oaiviliid Sámi girkolaš válgačoahkkima áirasiid juogu ja nammadeami hárrái.
- Mii hálidit oaiviliid iežamet árvalussii mo válggaide nominere evttohasaid.
- Mii hálidit oaiviliid iežamet árvalussii sámi valgaráđi ja sámi nominašuvdnalávdegotti nammadeapmái ja doaimmaide.